

# INUIT ATAQATIGIIT INATSIARTUNI



12.07.2022

UKA2022/ 27

**Utoqqaat pillugit isumalioqatigiissitamik utoqqarnut suliaasaqarfimmi suliaqartunik peqataaffigineqartumik pilersitsinissamik Naalakkersuisut peqquneqarnissaannik Inatsisartut aalajangiiffigisassaattut siunnersuut. Naalakkersuisut utoqqaat pillugit isumalioqatigiissitap kaammattuutai tunngavigalugit utoqqaat pillugit inatsisissatut siunnersuummik UKA2024-mi saqqummiussissapput.**

(Inatsisartunut ilaasortaq, Mariane Paviasen, Inuit Ataqatigiit)

## **Tunngavilersuut:**

Ukiorpassuarni utoqqaat qineqqusaarutigineqartarput, ukiut ingerlanerini utoqqalinersiat annertusineqassatillugit aporfeqartoqartarpoq, kingullertigullu ilisimavarput inimut tapiutaasup aaqqiiviginiarnera aporfigineqartoq.

Utoqqarnik sullissiniartuni ajornartorsiutaasartoq tassaavoq inatsisinik assigiinngitsorpassuarnik sullissiniarnermi toqqammaveqartarnek. Utoqqaat illersuisuisuanik oqaloqateqarninni paasivara ilaatigut allaat meeqqat pisinnaatitaaffii utoqqaat sullinniarnerni aqqusaagassaasartut, aammalu utoqqarnik sullissiniarnermi ajornartorsiutaasartoq tassaasartoq kommuneqarfiit peqqinnissaqarfiillu akornanni kiap suna akisussaaffigineraa nalornissutaalersinnaasarluni. Allaammi kommuneqarfiit iluanni illoqarfiit akornanni sullissiniartarnerit assigiinngissinnaasartut, sullissisup inatsi malitassaq sorleq qanoq paasinerlugu suliarinninnera apeqqutaalersarsimalluni, taamaalilluni sullissiniarnek sivisuumik, pisariusumik, piffissartornartumik ilaatigullu utoqqaat arlalippassuariarlutik saaffiginnittaqaataareernerisa kingorna aatsaat suliaq naammassineqarsinnaasartoq ilisimaneqarluni. Ajoraluartumillu ilaatigut sullissineq naammassinngitsorluunniit utoqqaq toqukkut qimaguttartooq paasissutissiissutigineqarpoq.

# INUIT ATAQATIGIIT INATSIARTUNI



Isumaqarpunga sulinermi ingerlatsinermilu aporfiit tamarmik annikinnerpaaffianiitilersinnaagigut ataatsimoortumik utoqqarnut inatsisiliornikkut, utoqqaat pillugit inatsissami utoqqaat atugarisaat timikkut tarnikkulluunniit ikiorserneqarnissaannut tunngasut ersarissumik inatsisip iluaniitinneqartariaqarput, tamassumalu iluaqutissartarissavaa utoqqaat nammineq pisinnaatitaaffimminnik inatsisinik assigiinngiiaartunik ujartueqqaaratik inatsit ataaseq nalorninanngitsoq kisiat imminnut atuuttoq nalujrunnaassammassuk, aammaattaaq allaffissornikkut pisariillisaataasussaasaq sullissisup utoqqaat pineqartillugit inatsisit assigiinngitsut misissuiffigeqqaarnagit inatsit sorleq atuunnersoq inatsimmi ataaseq atuuttoq aallaavigaluguutoqqarmik sullissiniarnermini ilisimalissammagit, tamanna piffissamik sipaarfiuinnarani aammali sullissinerup sukkanerusumik ingerlasinnaalernissaannik kinguneqartussaasaq.

Utoqqarnut inatsip qaqugorsuarmut atuuttusnaanera eqqarsaatigalugu isumaqarpunga isumassarsialatsialaasoq taakku imminneq inatsiseqalerunik, inatsisissarlu utoqqaat susassaartut peqatigilluinnarlugit suliarineqassasoq kissaatiginarpoq. Taamaattumik matumuunakkut Naalakkersuisut isumalioqatigiissitamik ilisimasaqarluartunik inuttalersugaasumik aallartitsinissaat siunnersuutigaara, suleqatigiissitap suliarissavaa utoqqaat inatsisaata utoqqaat atugarisaat naapertorlugit, ikiorsiissutit, nammineq angerlarsimaffimminiippata angerlarsimaffimmi ikiorteqarneq, atortutigut ikiorsiissuteqarsinnaatitaaneq, qaqugukkullu imminut ikiorsinnaajunnaarnerani utoqqaat illuannut nuutsinneqartariaqalerneranik kinguneqartussamik, peqqinnissaqarfiit kommunillu akisussaaffiisa ersarinnerulernerinik, ineqarsinnaatitaanermut pisinnaatitaaffeqarneq, allanillu utoqqaat atugarissaarnerulernissaannut tunngasunik utoqqaat inatsissaata imarisasaanik siunnersuuteqarnermik imaqartussamik isumalioqatigiissitaq suliaqassaaq.

# INUIT ATAQATIGIIT INATSISARTUNI



Inuiaqatigiinnguusugut utoqqartaqartuartaavugut taakkulu pitsaanerpaamik atugaqarnissaannik tamatta anguniaqartugut qularutigingilara.

Isumalioqatigiissitamik utoqqaat inatsisaanik suliaqartussamik pilersitsinikkut utoqqaat inatsisaannik qanoq ittumik pilersitsinissatsinnut alloriarneq aallarniutaasussaassaaq, inatsisissatut siunnersuut tassaasaaq siunissami utoqqartatta atugarisaannik pitsanngorsaataalluinnartuusussaaq, utoqqartatta inatsiserpaaluit imminnut attuumassuteqartut malinnaaniarfigalugit piunnaarlutik ilisimaarilissavaat inatsit ataaseq imminnut tunngasuusooq pisariaqartitsinermilu nalorninaatsumik sorleq pineqarnersoq inatsit assigiinngiiaartut ujaasiffiginagit ataatsimik inatsimmik toqqammaveqarnertik malinnaaffigiuminarnerutissagaat ilimanaateqarpoq.

Sullissisunut aamma nalorninaannerulissagaluarpoq inatsisip ataatsip iluani utoqqarnut tunngasut sullissinissaminnut tunngaviusuusut piaarnerusumik sullissisoqarsinnaaneranik allaffissornikinnerunermik piffissamillu sipaarfiusumik kinguneqarsinnaasunngortussaassapput.

Qulaanni taakkartukkat tunngavigalugit Naalakkersuisut UKA-2024-mi utoqqarnut inatsisissatut siunnersuummik saqqummiussinissaat siunertaralugu utoqqaat pillugit isumalioqatigiissitamik pilersitsinissaat kissaatigaara. Tassanilu pingaartillugu utoqqaat peqatigiiffii, kommunini utoqqarnik sullissisut, utoqqaat illersuisuat minnerunngitsumillu utoqqaat suleqataarusutut tamaasa peqatigalugit suliat ingerlanneqassasoq, utoqqaallu ulluinnarni atugarisaannik pitsanngorsaataasussanik inatsip iluani suliarineqarumaartut kissaatigaara.

## **Pisortanut aningaasatigut allaffissornikkullu kingunerisassai:**

Missingersorneqassaaq allaffissornikkut inatsisissap suliarinerani 1 mio. koruunit atorineqassasut. Suliassaq annertummat suleqatigiusussallu amerlassammata, kingunissaanili allaffissornikkut sipaarutaalerumaarpoq.

## **Namminersortunut aningaasaatigut allaffissornikkullu kingunerisassai:**

# INUIT ATAQATIGIIT INATSIARTUNI



Soqanngilaq.

## **Innuttaasunut aningaasatigut allaffissornikkullu kingunerisassai:**

Piffissaq ungasinnerusoq eqqarsaatigalugu sullissisut sullissinerat  
sukkanerulersussaasoq takorloorneqarsinnaavoq taamaammat siunissami  
allaffissornikkut sipaarutaalerumaarnissaa takorlooruminarpoq.